

# CABINET CYNGOR GWYNEDD



## Adroddiad i gyfarfod Cabinet Cyngor Gwynedd

<b>Dyddiad y cyfarfod:</b>	28 Mawrth 2017
<b>Aelod Cabinet:</b>	Y Cynghorydd Mandy Williams-Davies Aelod Cabinet dros yr Economi a Chymuned
<b>Swyddog Cyswllt:</b>	Dylan Griffiths Rheolwr Strategaeth a Datblygu, Adran Economi a Chymuned
<b>Rhif Ffôn Cyswllt:</b>	01286 679611 (32611)
<b>Teitl yr Eitem:</b>	<b>Cynllun y Cyngor 2017-18: adnoddau i ymestyn y cynllun 'Digwyddiadau proffil uchel a strategol' (prosiect E8)</b>

### 1. PENDERFYNIAD A GEISIR

Ymrwymo £42,000 o gyllid ychwanegol, a pharhau'r gweddillion y cyllid sydd eisoes wedi ei ddyrannu, ar gyfer ymestyn y cynllun 'Digwyddiadau proffil uchel a strategol' ar gyfer 2017-18 i wireddu ymrwymadau sy'n rhan o Gynllun y Cyngor 2017-18.

### 2. Y RHESWM DROS YR ANGEN AN BENDERFYNIAD

Mae ymrwymo adnoddau o'r Gronfa Trawsffurfio yn fater i'r Cabinet.

### 3. CYFLWYNIAD

Mabwysiadodd y Cyngor llawn, 'Cynllun y Cyngor 2017-18' ar yr 2<sup>il</sup> o Fawrth 2017.

Adnabuwyd y cynllun 'Digwyddiadau proffil uchel a strategol' fel un o'r cynlluniau i wella oedd angen adnoddau ychwanegol er mwyn parhau i fedru cyflawni eu hymrwymadau os y'i hystynnir am flwyddyn ychwanegol.

Cafodd y cynllun 'Digwyddiadau proffil uchel a strategol' ei gynnwys yn rhan o Gynllun y Cyngor felly yn amodol ar gytundeb gan y Cabinet i'w ariannu.

### 4. RHESYMEG A CHYFIAWNHAD DROS ARGYMELL Y PENDERFYNIAD

[Type text]

## CABINET CYNGOR GWYNEDD



Pwrpas y prosiect hwn yw denu digwyddiadau proffil uchel cenedlaethol neu ryngwladol i Wynedd er mwyn manteisio ar y budd economaidd a chymdeithasol fydd yn deillio o hyn.

Mae'r prosiect darparu nawdd ariannol cymedrol i ddenu a chynnal digwyddiadau proffil uchel a strategol yng Ngwynedd gan ategu'r gefnogaeth ymarferol a ddarperir i drefnwyr digwyddiadau gan y Cyngor.

Dyma grynhoi uchafbwyntiau a phrif ddeilliannau'r prosiect hyd yn hyn:

- 30 o ddigwyddiadau wedi eu cefnogi gan gynnwys nifer o ddigwyddiadau sy'n newydd i'r sir megis y Red Bull Hardline yn Ninas Mawddwy ([hyperddolen](#)).
- £98,000 o fuddsoddiad gan Lywodraeth Cymru i gefnogi digwyddiadau mawrion wedi ei ddenu
- Dros 129,000 wedi mynychu'r digwyddiadau a gefnogwyd.
- £2.45M o wariant yn uniongyrchol yng Ngwynedd gan drefnwyr digwyddiadau (20% o'u cyfanswm gwariant)
- 780 o fusnesau yn y sir wedi elwa gan ddiogelu 835 o swyddi.
- Oddeutu £18.96M o fudd economaidd i Wynedd wedi ei gynhyrchu gan y digwyddiadau.
- Cyhoedduswydd a marchnata cenedlaethol a rhyngwladol sylweddol am ddim.
- Newid yng nghanfyddiadau ymwelwyr a thrigolion lleol (pobl ifanc yn arbennig) o'r sir fel lleoliad bywiog, egniol a chyfoes.

Byddai sicrhau'r adnoddau i ymestyn y cynllun yn cyflawni'r canlynol erbyn Mawrth 2018:

- Gweithio law yn llaw a'r digwyddiadau mawr gan adnabod cyfleoedd er mwyn sicrhau'r budd mwyaf i fusnesau a thrigolion Gwynedd
- Gweithio'n agos gydag Uned Digwyddiadau Mawr Lywodraeth Cymru ar brosiectau er mwyn denu buddsoddiad ychwanegol gan y Llywodraeth
- Gweithio gyda threfnwyr digwyddiadau er mwyn sicrhau bod cyfleoedd i bobl ifanc Gwynedd elwa o'r digwyddiadau

Mae 17 o ddigwyddiadau yn 2017 eisoes wedi holi'r Cyngor am gymorth.

Bydd derbyn cyllid pellach gan y Cyngor, i gyd-fynd â chyfnod newydd y cynllun strategol, yn caniatáu parhad y gefnogaeth ariannol i ddenu a chefnogi digwyddiadau mawr a strategol yng Ngwynedd.

# CABINET CYNGOR GWYNEDD



## 5. CAMAU NESAF AC AMSERLEN

Petai'r Cabinet yn ymrwymo adnoddau pellach i'r cynllun, bydd yn parhau hyd at ddiwedd Cynllun y Cyngor 2017-18 ar 31 Mawrth 2018.

## 6. UNRHYW YMGYNGHORIADAU A GYNHALIWYD CYN ARGYMELL Y PENDERFYNIAD

Ymgynghorwyd yn anffurfiol ag aelodau'r Cabinet ac uwch swyddogion ynglŷn â pharhad y cynllun cyn cyflwyno'r mater i'r Cabinet am benderfyniad.

### Sylwadau'r Prif Swyddogion

#### Y Prif Weithredwr

'Mae pedwar cais am arian ynghlwm â'r papurau hyn, oll yn ymwneud ag ymrwymïadau yn y Cynllun Strategol newydd. Yn amlwg, mae dau yn gymharol fychan a dau ohonynt yn fwy. Yn amlwg, y nod gyda chynlluniau o'r fath yw y dylid ceisio eu hariannu o arian sydd eisoes yn ei le. Deallaf nad oes adnoddau ar gael ar gyfer y gofynion hyn. Fodd bynnag, awgrymir dyrannu'r arian hwn am flwyddyn yn unig er mwyn adolygu a ellir ail-gyfeirio adnoddau mwy parhaol ar gyfer gofynion y cynlluniau hyn os oes angen eu parhau ar ôl i'r adnoddau unwaith ac am byth sydd ar gael ddod i ben.'

#### Y Prif Swyddog Cyllid

'Bydd sawl angen / defnydd haeddiannol yn cystadlu am adnodd prin y Gronfa Trawsffurfio, a mater i aelodau'r Cabinet fydd blaenoriaethau'r ceisiadau perthnasol.

Yn y Cyngor llawn ar yr 2<sup>il</sup> o Fawrth 2017, pryd cymeradwywyd "bidiau" am adnoddau ychwanegol i gwrdd â phwysau anorfod ar wasanaethau, nodais fod prif flaenoriaethau'r Cyngor, materion datblygol er mwyn gwneud gwahaniaeth, i'w hariannu a'u comisiynu drwy drefn y 'Cynllun Strategol'. Mater i aelodau'r Cabinet, gydag arweiniad y Prif Weithredwr, yw blaenoriaethu'r defnydd o'r Gronfa Trawsffurfio i'r perwyl hyn.

Wedi penderfyniad y Cabinet ar 22 Tachwedd 2016 i gymeradwyo trosglwyddo £635k i'r Gronfa Trawsffurfio, cadarnhaf fod darpariaeth ddigonol i wireddu'r cynlluniau sydd wedi'u cyflwyno am ystyriaeth i gyfarfod 28 Mawrth 2017 y Cabinet, a bod arian pellach wrth gefn ar gyfer rhai prosiectau eraill allasai amlygu / aeddfedu a chyrraedd

[Type text]

# CABINET CYNGOR GWYNEDD



y Cabinet am gymeradwyaeth eto.'

## **Y Swyddog Monitro**

'Fel y nodir yn yr adroddiad mae'r argymhellion yma yn deillio o ymrwymiadau sydd yng Nghynllun y Cyngor ar gyfer 2017-18 ac yn gynigion priodol a rhesymegol'